

## Կանոնակարգ

Հայաստանի Հանրապետության և Ադրբեջանի Հանրապետության միջև  
պետական սահմանի սահմանազատման և սահմանային անվտանգության  
հարցերով հանձնաժողովի

ու

Ադրբեջանի Հանրապետության և Հայաստանի Հանրապետության միջև  
պետական սահմանի սահմանազատման պետական հանձնաժողովի  
համատեղ գործունեության մասին

Հաշվի առնելով, որ Հայաստանի Հանրապետության և Ադրբեջանի Հանրապետության միջև պետական սահմանի սահմանազատման և սահմանային անվտանգության հարցերով հանձնաժողովն ու Ադրբեջանի Հանրապետության և Հայաստանի Հանրապետության միջև պետական սահմանի սահմանազատման պետական հանձնաժողովը ստեղծվել են Հայաստանի Հանրապետության և Ադրբեջանի Հանրապետության միջև պետական սահմանի սահմանազատումն իրականացնելու նպատակով,

Նշելով, որ Հանձնաժողովները կիմնվեն Ալմա-Աթայի 1991 թվականի հոչակագրի վրա՝ որպես Հայաստանի Հանրապետության և Ադրբեջանի Հանրապետության միջև պետական սահմանի սահմանազատման գործընթացի հիմնարար սկզբունք (եթե հետազայում Հայաստանի Հանրապետության և Ադրբեջանի Հանրապետության միջև խաղաղության և միջադաշտական հարաբերությունների հաստատման մասին համաձայնագրով կնախատեսվեն այլ կարգավորումներ, ապա տվյալ հիմնարար սկզբունքը կհամապատասխանեցվի վերը նշված համաձայնագրով սահմանված սկզբունքներին),

Պայմանավորվեցին հետևյալի մասին.

### Հոդված 1

1. Սույն Կանոնակարգով կարգավորվում է Հանձնաժողովների համատեղ գործունեությունը: Հանձնաժողովների նիստերի և համատեղ աշխատանքային հանդիպումների կազմակերպման և անցկացման կարգը կարգավորվում է Հայաստանի Հանրապետության և Ադրբեջանի Հանրապետության Կառավարությունուն: Հայաստանի Հանրապետության Կառավարությունը կողմից հաստատված Աշխատակարգով:

Մ. Գ.

Տ. Ա.

2. Ելնելով անհրաժեշտությունից՝ Հանձնաժողովներն իրենց աշխատանքներում ներգրավում են փորձագետների և մասնագետների:

## Հոդված 2

1. Սահմանազատման գործընթացում Հանձնաժողովներն օգտագործում են բոլոր վերաբերելի քարտեզագրական փաստաթուղթերը, ինչպես նաև բոլոր նորմատիվ իրավական և իրավաբանորեն հիմնավորված այլ փաստաթուղթերը:

2. Հանձնաժողովները համաձայնեցված կազմակերպում և վերահսկում են տիեզերակալուսանկարահանման և օդալուսանկարահանման, գեոդեզիական, կադաստրային և քարտեզագրական աշխատանքների իրականացումը, տեղանքում սահմանագծի անցման հատվածների տեղազննման և հետազոտման աշխատանքների կատարումը, ինչպես նաև սահմանազատման իրականացման հետ կապված այլ աշխատանքների կատարումը (այսուհետ՝ սահմանազատման աշխատանքներ):

3. Սահմանազատման աշխատանքների կատարման ընթացքում Հանձնաժողովների միջև ազգային օրենսդրություններով սահմանված կարգով իրականացվում է համապատասխան տիեզերակալուսանկարահանման և օդալուսանկարահանման, քարտեզագրական և գեոդեզիական նյութերի փոխանակում՝ սույն Կանոնակարգի 5-րդ հոդվածով սահմանված պետական սահմանի սահմանազատման քարտեզի (այսուհետ՝ սահմանազատման քարտեզ) ստեղծման նպատակով:

4. Հանձնաժողովները մշակում, համաձայնեցնում և ընդունում են հետևյալ փաստաթուղթերը՝

1) սահմանազատման փորձագիտական խմբերի աշխատանքի կարգի մասին ուղեցույցը.

2) սահմանազատման քարտեզի ստեղծման մասին ուղեցույցը.

3) սահմանազատման քարտեզի վրա հայկական աշխարհագրական անվանումներն աղբբեջաներենով և աղբբեջանական աշխարհագրական

Մ.թ.

Տ.Ա.

անվանումներն հայերենով արտացոլելու կարգի մասին ուղեցույցը.

4) պետական սահմանագծի անցման արձանագրություն-նկարագրություն կազմելու կարգի մասին ուղեցույցը.

5) սահմանագատման փաստաթղթերի ձևակերպման և հրատարակման կարգի մասին ուղեցույցը:

5. Սույն հոդվածի 4-րդ կետում նշված փաստաթղթերի ճշգրիտ անվանումները կհամաձայնեցվեն Հանձնաժողովների աշխատանքի ընթացքում:

6. Անհրաժեշտության դեպքում՝ Հանձնաժողովների համաձայնությամբ, ի լրումն նշված փաստաթղթերի կազմվում են այլ ուղեցույցներ և կանոններ:

### Հոդված 3

#### 1. Սահմանագատման ընթացքում Հանձնաժողովները՝

1) ձևավորում են սահմանագատման փորձագիտական խմբեր, որոնք տեղանքում իրականացնում են սահմանագատման համալիր միջոցառումներ, և աշխատանքների արդյունքներով կազմվում են փաստաթղթեր՝ Հանձնաժողովներին ներկայացնելու համար.

2) իրականացնում են սահմանագատման փորձագիտական խմբերի գործունեության դեկավարումն ու վերահսկողությունը.

3) ուսումնասիրում, ստուգում և ընդունում են սահմանագատման փորձագիտական խմբերի կողմից ներկայացրած փաստաթղթերը.

4) իրենց իրավասությունների շրջանակներում իրականացնում են սույն Կանոնակարգի պատշաճ կատարումն ապահովելու համար անհրաժեշտ այլ լիազորություններ:

2. Սահմանագատման աշխատանքներն իրականացվում են պարիստեային հիմունքներով: Ընդ որում՝ յուրաքանչյուր Հանձնաժողով ծախսերը հոգում է ինքնուրույն: Հատուկ դեպքերում ծախսերի հարցը ենթակա է առանձին համաձայնեցման:

Մ. գ.

Տ. մ.

## Հոդված 4

Սահմանագատման աշխատանքներն իրականացնելիս Հանձնաժողովները կարող են դիտարկել սահմանագծի անցման օպտիմալացման հնարավորություններ և համաձայնեցնել գործընթացի չափանիշներն ու ձևերը հետևյալ նպատակներով՝

- 1) սահմանամերձ բնակավայրերի անվտանգության ապահովում.
- 2) սահմանամերձ տարածքների բնակիչների համար իրենց ավանդական տնտեսական գործունեության համար պայմանների ստեղծում.
- 3) ինժեներական, էներգետիկ, տրանսպորտային, մելիորացիոն և այլ ենթակառուցվածքների անդրսահմանային օբյեկտների, արգելոցների, ազգային պարկերի գործունեության ապահովում, էկոլոգիական և բնապահպանական գործունեության պահպանում, ինչպես նաև ջրային ռեսուրսների օգտագործում.
- 4) պաշտամունքային նշանակության օբյեկտների, գերեզմանատների, մշակութային և պատմական ժառանգության պահպանություն.
- 5) ոլորապտույտ գծերի ուղղում.
- 6) սահմանագծի անցում բնական աշխարհագրական օբյեկտներով և ռելիեֆի տարրերով:

## Հոդված 5

1. Սահմանագատման աշխատանքները Հանձնաժողովներն իրականացնում են սահմանագծի առանձին համաձայնեցված հատվածներով/հատվածամասերով: Յուրաքանչյուր այդպիսի հատվածի/հատվածամասի համար կազմվում է սահմանագծի անցման նկարագրություն, որը մինչև սահմանագատման գործընթացի ամրողական ավարտը կհամարվի համաձայնեցված:

2. Սահմանագատման համալիր աշխատանքների կատարման արդյունքներով Հանձնաժողովները կազմում են ամրող պետական սահմանագծի անցման Արձանագրություն-նկարագրությունը և դրան կից հետևյալ փաստաթղթերը՝

- 1) 1:25000 մասշտաբի սահմանագատման քարտեզը (փոխադարձ համաձայնությամբ սահմանագծի որոշ հատվածների համար հնարավոր է 1:10000)

Մ. Պ.

Տ. Ա.

*(մասշտարի և ավելի խոշոր մասշտարի սահմանազատման քարտեզի ստեղծումը).*

2) համաձայնեցված սահմանազատման քարտեզի վրա արտացոլված սահմանագծին համապատասխան կազմված՝ հայ-ադրբեջանական պետական սահմանագծի անցման անալիտիկ կոորդինատների կատալոգը.

3) Հանձնաժողովների աշխատանքի վերաբերյալ եզրափակիչ արձանագրությունը:

3. Պետական սահմանագծի անցման Արձանագրություն-նկարագրությունը, ինչպես նաև դրա հավելվածները կազմվում են հայերեն, ադրբեջաներեն և ռուսերեն ու ստորագրվում Հանձնաժողովների նախագահների կողմից:

4. Պետական սահմանագծի անցման Արձանագրություն-նկարագրությունը և դրա հավելվածները՝ հանդիսանալով Հայաստանի Հանրապետության և Ադրբեջանի Հանրապետության միջև պետական սահմանի մասին պայմանագրի բաղկացուցիչ մասը, ուժի մեջ են մտնում այդպիսի պայմանագրի ստորագրումից և դրա՝ անհրաժեշտ ներպետական ընթացակարգերն անցնելուց հետո:

5. Անհրաժեշտության դեպքում, ի լրումն սույն հոդվածի 2-րդ կետում նշված փաստաթղթերի, կարող են ավելացվել նաև սահմանազատման համալիր աշխատանքների կատարման ընթացքում պատրաստված այլ նյութեր:

## Հոդված 6

Փոխադարձ համաձայնությամբ սույն Կանոնակարգում կարող են կատարվել փոփոխություններ և լրացումներ, որոնք ձևակերպվում են սույն Կանոնակարգի անբաժանելի մասը կազմող արձանագրություններով և ուժի մեջ են մտնում սույն Կանոնակարգի 7-րդ հոդվածին համապատասխան:

## Հոդված 7

Սույն Կանոնակարգն ուժի մեջ է մտնում Հայաստանի Հանրապետության և Ադրբեջանի Հանրապետության կողմից դրա ուժի մեջ մտնելու համար անհրաժեշտ բոլոր ներպետական ընթացակարգերն ավարտելու մասին վերջին գրավոր ծանուցումը ստանալու օրը և գործում է մինչև սահմանազատման աշխատանքների ամբողջական ավարտը:

Մ. Գ .

Տ. Խ .

Ստորագրված է **30** **08** **2024**թվականի, երկու բնօրինակից՝  
յուրաքանչյուրը՝ հայերեն, աղբեջաներեն և ռուսերեն, ընդ որում բոլոր տեքստերը  
հավասարագոր են: Սույն Կանոնակարգի մեկնաբանման հետ կապված  
տարածայնություններ առաջանալու դեպքում կիրառվում է ռուսերենով կազմված  
տեքստը:

Հայաստանի Հանրապետության և  
Աղբեջանի Հանրապետության  
միջև պետական սահմանի  
սահմանազատման և սահմանային  
անվտանգության հարցերով  
հանձնաժողովի նախագահ

Աղբեջանի Հանրապետության և  
Հայաստանի Հանրապետության միջև  
պետական սահմանի սահմանազատման  
պետական հանձնաժողովի նախագահ



Սույնով հավաստվում է, որ կցված տեքստը 2024թ. օգոստոսի 30-ին ստորագրված՝ «Հայաստանի Հանրապետության և Ադրբեյջանի Հանրապետության միջև պետական սահմանի սահմանազատման և սահմանային անվտանգության հարցերով հանձնաժողովի ու Ադրբեյջանի Հանրապետության և Հայաստանի Հանրապետության միջև պետական սահմանի սահմանազատման պետական հանձնաժողովի համատեղ գործունեության մասին» կանոնակարգի՝ Հայաստանի Հանրապետության արտաքին գործերի նախարարության միջազգային պայմանագրերի պահոցում (դեպոզիտում) պահպող բնօրինակի նույնական պատճենն է:

**Հայաստանի Հանրապետության  
արտաքին գործերի նախարարության  
Միջազգային պայմանագրերի և  
իրավունքի վարչության պետ**



Հայաստան  
Հանրապետության  
նախարարության  
պահպող բնօրինակ